



UPA 2026/125

09. juni 2026

Aqqalu C. Jerimiassen

Atassut

Nunatsinni kommunit kattuffiannik nutaamik pilersitsisinnaanissamut periarfissat pillugu apeqquteqaat aallaavigalugu siunnersuut.

(Inatsisartunut ilaasortaq Bentiarq Ottosen, Atassut)

Demokrati illersorparput, tamat oqartussaaqataanerat nukittoq atorfissaqartipparput.

Kommunerujussuit pilersinneqareerneranniilli sulineq nunatsinni qanimut takusnaanera allanngoraluttuinnareernerminiilli, allaat kiisa killiffigilerparput nunatsinni kommunit ataatsimoorlutik kattuffitsik namminneerlutik pissaanilerngusaannerminni nungukkaat sequtallugu.

Kommunit kattuffittaaqqinnissaat ataatsimoorussamik eqqarsarnarpoq maanna qanoq ingerlasinnaassanersoq, pisariaqaraluaqaluni taamaattoq suli kommunit tallimaannangoreerneranni qanoq ingerlariuseqassanersoq nalorninarmat.

Kommunerujussuit tassa iluatsinnginnerannut ersiuterpannguit ilaat, nunatsinni maannakut killiffik ataatsimut isigissagaanni, eqiterussinerpassuit assigiinngitsut pioreersullu tassa takussutissat sorpassuit demokratiitsinnut malunniuteqartut pitsaasuinnaanngitsumik nuisaleraraat.

Taamanilimi Atassutip apeqquersulerpai, mianersoqqusinerpassuillu siulittuisimanertut ittut ullutsinni tamassa atuataarpagut.

Ingerlariusaasimasoq kommunerujussuit siornatigut, katerilluni kattuffeqarluni kommunit assigiinngitsut akorngani suleriusaasimasoq tamat oqartussaaqataanerannik annertuumik siunnerfiliiffiusarsimavoq, taannaallunilu misigititsiuartarsimasoq sinerissami peqataatitaanertut tusarnaarneqarnertullu.

Inuiaqatigiittut ullutsinni ajoraluartumik tamani tusarsaanerpaasoq tassaavoq, isorliunerusunngooq katataagaluttuinnarnerat, sumiiffiillu minnerusut inuerukkaluttuinnarnerat, eqiterunnerullu annertoraluttuinnartumik ajornartorsiutaanera.

Nuuk allatulli soorunami illoqarfittut ineriartortussaavoq, taamaakkaluartorli kommunerujussuit pilersinnerisa kingorna, qitiusumullu nutserinerujussuup malitsigisimasaanik nunatsinni illoqarfiit pingaarnersaatut inissisimasoq nussorfigineqarnermigut inissaqarniarnikkut unammillernartorujussuarmik nalaataqarmat.

Taanna nuummiunut pisuutitsissutissaanngilaq, sinerissalliuna sinneraniit periarfissarititaasut pitsaanerusut ujartorlugit nussorneq ingerlajuartoq.



Nunatsinnilu illoqarfiit pingaarnersaata inuttupilooriartornerata malittaaaniq, sineriami sumiiffippassuit inukilliartortut, siornatigut kommunitoqaasuni nukittumaarnerusumik inissisimanikuugaluit annerusumik minnerusumilluunniit maanna nukkerulluinnarlutik pilersimapput.

Sineriak, Atassummiit siornatigorniilli sanngheetitit isiginagu nukittoqutitit isiguartagarput nangittumik nukittoqutigissagipput, sineriamminullu aggugaanitta nukiit ataatsimut nukittorsarnissaanik pilersitsisuussamat.

Taamaamat kommunit kattuffiata piujunnaarsimaneratassaaq ilinniutitit isigisariaqarnera paasiinnartariaqarparput, tassami siunissaq ilikkarfissaajuaannartarmat pisimasut eqqarsaatigalugit, ajoqutaali amerlanertigut ilikkagaqanngitsoortaratta.

Kommunit kattuffiat nutaaq pilissappat, kommunitoqqat suleriuserisimasaanniit soorunami allaanerulluinnartumik ingerlariuseqarnissaa naatsorsuutigisariaqarparput.

Pissusitoqqammi uteqqinniingilagut, kommunilli nukittunerusumik ingerlalernissaat suleqatigiilluurlutik Atassummiit piutikkusupparput, neriungaarpugullu naalakkersuisut piffissami qaninnermi kommunit pillugit aaqqissuusseqqinnissami suliniarnerminni una oqallisissiaq tigulaariffigulluarumaaraat.